

# Hocouh: Haeuj Lajmbanj Lwnh Cing-saenz Ngeihcib Daih Dangj Raeuz

## 贺州：党的二十大精神宣传入乡村

Mboengqneix, Hocouh Si Yinzda Cangzveijvei ciu gyoengq yinzda daibyauj、gihgvanh dangjyenz ganbu bae daengz Bazbu Gih Lenzdangz Cin Mbanjdancungh, eu fwen Yauzcuz、fwen Maxgai、sam coenz buenq daengj lwnhgangj gij cingsaenz Ngeihcib Daih Dangj raeuz. Neix hawj sing Aendangj ndaej cienz haeuj lajmbanj, hawj vunz lai engq giendingh riengz Aendangj baenaj, caezhoz hwngfat lajmbanj, doicaenh lajmbanj saenqhwngh.

(Liu Cujbingz/廖祖平)

► Hocouh Si aeu lai cungj hingz sik lwnh cingsaenz Ngeihcib Daih.

### Aen Ciet Haeuxliengz Dwkbya Fungsou Gih Raeuz Youq Sanhgyangh Haiguh

#### 我区第四届稻渔丰收节在三江举行

10 nyied 28 hauh, Bi 2022 Gaiq Daihseiq Aen Ciet Haeuxliengz Dwkbya Fungsou Gvangsijh Caeuq “Hoh Boux-guhnaz Sou Lai, Ciet Vwnzva Haeuxliengz Dwkbya Sanhgyangh” youq Sanhgyangh Duncuz Swciyen haiguh. Yienh-cienz miz fwen foux biujyienj, aen yizsiz fatciengj、geqgangj canjnieb、laeu daizraez、baijgai huqdoj miz daegsaek daengj. Neix langhbaiej le yienghndei vwnzva minzcuz, hawj vunz lai cungj rox aen binjbaiz haeuxliengz dwkbya yienh neix, doidoengh canjnieb neix hwngfat ndaej youh ndei youh vaiq, guh’ok rengzmbwk saenqhwngh lajmbanj.

(Vuz Lenzinh/吴练勋)



▲ 10 nyied 28 hauh, Sanhgyangh Duncuz Swciyen guh hozdung hoh haeuxliengz dwkbya ndaej sou lai.



### Gvangsijh Doicaenh Hwnqguh Mbanj Miz Daegsaek Minzcuz Caeuq Lajmbanj Lijyouz Yungzhab Hwngfat

#### 广西推进民族特色村寨建设与乡村旅游融合发展

10 nyied 27 hauh daengz 28 hauh, Aen Hoih Yienhciegz Doicaenh Sawq-diemj Hwnqguh Mbanj Miz Daegsaek Minzcuz Caeuq Lajmbanj Lijyouz Yungzhab Hwngfat Gvangsijh youq Gveilinz Si Hingh’anh Yen haiguh.

Aen hoih cunggez gij cwnzgoj sawqdiemj hwnqguh mbanj miz daegsaek minzcuz caeuq lajmbanj lijyouz yungzhab hwngfat, hawj gak dieg doxgyau ging-niemh, baijbouh hongsaeh baezneix.

Daj bi 2021 doxdaeuj, Swcigih Minzcunghvej caeuq Swcigih Vwnzlijdingh youq gih raeuz senj le ngeihcib aen mbanj miz daegsaek minzcuz guh mbanj sawqdiemj. Daengz seizneix, gih raeuz gungh miz it bak samcib caet aen mbanj ndaej bingzguh “aen mbanj miz daegsaek siujsoq minzcuz daengx guk”, roekcib bet aen mbanj ndaej bingzguh “aen mbanj miz daegsaek siujsoq minzcuz Gvangsijh”.

(Cinz Bungz/陈鹏)

### Denzyangz: Maksahdangzgiz Ndaej Sou Lai

#### 田阳：砂糖橘喜获丰收

10 nyied 27 hauh, youq Aen Dieggiek Ginhciuh Maksahdangzgiz Cejginz laeng Bwzswz Si Denzyangz Gih Mbanjsindhung, boudawzrap aen dieggiek neix cingq cujiz vunz lai mbaet mak, doq youq gyauejreh gai mak. Aen dieggiek neix gungh ndaem miz hajcib moux maksahdangzgiz, bineix moix moux ok roek cien gaen mak doxbae, daengz seizneix gaeng gai le seiqcib lai dun mak, moix gaen baefat gai ndaej haj maenz baedauq. Gyawj geij bi neix, Denzyangz Gih haeujsim guh canjnieb maksahdangzgiz daengj, dazyinx vunzmbanj ndaem mak, gujli boux guh ndaej gwn ndawmbanj laeb baenz hozcozse, hawj vunz lai mboujduenh demsou.

(Vangz Gozsun/黄国顺)



▲ Vunzmbanj youq ndaw suenmak nyaengq mbaet mak.